

# خزینہ محاکمہ

جمعہ ایرتسی

| نومرو | شعبان | سنه  | كانون اول | سنه  | صفحه  |
|-------|-------|------|-----------|------|-------|
| ۹۵۹   | ۸     | ۱۳۱۵ | ۲۰        | ۱۳۱۳ | ۱۳۶۶۱ |

( اشبو غزته بهر هفته جمعہ ایرتسی کونلری چیقار . سنه لکی درسعات ایچون مجیدیه یکر می فروش )  
 ( حسابیله التمش فروشدر . طشره لر ایچون اون بش فروش پوسته اجر قی ضم اولنور . بهر )  
 ( نسخہ سی ینہ مجیدیه یکر می فروش اولق اوزره یوزپاره یه هر برده صاتیلور . درج اولنه جق )  
 ( اعلاناک هر برندن بر مجیدیه اخذ اولنور . سنه لکنه مشتری اولق استیانلر عدلیه نظاری )  
 ( داتر مسنده کائن جریده محاکم اداره سنه مراجعت ایلیلدر )

مدیریت بهیه سنک در کناری اوزرینه ملفوفله  
 برابر انجمن عدلیه حواله بیورملقله مطالعه  
 اولندی .

اصول محاکمات جزائیہ قانوننک اوچوز  
 اون بشنچی ماده سی صراحتنه ونفعاً للقانون  
 عباره سنک معناسنه کوره برائت قرارلرینک  
 نقضی مجرد قانوننک حسن جریانی تأمین وقراری  
 ویرن محکمه نك قناعت قانونیه سی تنویر و تصحیح  
 یولنده وقوعبولوب یوقسه بویه بر نقضک هیچ

## قسم رسمی

انجمن عدلیه نك ۱۲۹ نومرولی قراری  
 صورتیدر

اشقودره مدعی عمومیلکنندن مورود ۳۰  
 خزیران ۳۱۲ تاریخلو اشبوتحریرات امور جزائیہ



برحاله تجدید محاکمه و حکمی موجب  
اوله میه جفی تذکر قلندی .

برمحکمہ نك حكمنه محتاج اولنلر ایچون ایجاب  
ایدن محکمہ میه مراجعت اولنسنه دائر قرار اعطاسی  
ومدیونك اموال منقوله وغیر منقوله سنك چیزی  
واموال محجوزه شخص ثالث یدنده بولندی  
تقدیرده اندن استرداد و استنکاف و امتناع  
وقوعنده كرك مدیون كرك شخص ثالث  
حقنده معامله اجباریه اجراسی اعلامات حقوقیه نك  
صورت اجراسنه دائر اولان قانونك سكرنجی واون  
ایکنجی وقرقنجی وقرق برنجی وقرق دردنجی وقرق  
بشنجی ولاقنجی ماده لرله مواد سائره سی احکامنجه  
رئیس محکمہ ویاخود انك یرینه قائم اولان  
مأموره عائد اولوب شو حوالده مستأجر لرله محجوز  
بدل ایجاری اجرا دائره سنه تسلیمدن امتناع  
ایلملری اوزرینه اولبابده درمیان ایتدکاری  
اسبابك وارد اولوب اولمدینی قضیه سی مطلقاً  
برمحکمہ نك حكمنه محتاج ایسه ایجاب ایدن محکمہ میه  
مراجعت اولنسنه قرار ویرلك وعکسی صورتده  
طوغریدن طوغری به حل مسئله اولنق واسباب  
مذکورده نك محجوز بدل ایجارك تسلیمنه مانع اوله  
میه جفی تظاهر ایدوبده مستأجر لر امتناعلرنده  
ثبات ایدرلر ایسه مأجور دروننده موضوع  
اشیاسك چیز وفروختی کبی معامله اجباریه به

خانم اوغلی ورثه سی و کبلی علیکسان ملکبان  
امضاسیله تقدیم اولنوب انجمن عدلیه به حواله  
بیوریلان اشبو عرضحال حقنده مقدما جریان  
ایدن مذاکره نتیجاسنده بعض جهت لرك  
اعلامات شرعی به اجرا مأموریت بهیه سندن  
استیضاحنه قرار ویرلمشیدی بونك اوزرینه  
مأموریت مشار الیها جانبندن ایضاحات مطلوبه  
بروجه بالا ویرلش اولنقله ایجاب مصلحت  
تامل اولنسدقده اعلامات حقوقیه نك حین  
اجراسنده ظهور ایدن مسائلك طوغریدن  
طوغری به حل وتسویه سی وبوللر میاننده مطلقاً

انجمن عدلیه نك ۱۴۹ نومرولی  
قراری صورتیدر

مراجعت اولنق اقتضا ایده چکی تذکر قلندی .

اجرای موقتہ دوامه محل اولمدینی مرکزنده  
برقرار اتخاذ ایدلش اولدیفنك مذکور عرضحال  
مألندن اکلاشلمسی اجلدن مذکور قرارك  
فسخ ویا تعدیلی انجمن عدلیه نك اقتداری  
خارجنده بولندی و مستدعیه دیلر ایسه اعلامات  
حقوقیه نك صورت اجراسنه دائر اولان قانونك  
اون اوچنجی ماده سنك بخش ایلدیکی صلاحیتی  
استعمالده بخیر ایدوکی تذکر قلندی .

انجمن عدلیه نك ۱۵۳ نومرولی  
قراری صورتیدر

قاطمه حوریه امضاسیله تقدیم اولنوب انجمن  
عدلیه به حواله بیوریلان اشبو عرضحال مطالعه  
اولنلر ق خلاصه مالی اجرای موقتی متضمن  
اعلام ابتدائی اوزرینه استینافاً ویریلان اعلامك  
عندالتمیز نقض اولنلش اولسندن طولایی اجرای  
موقتك تأخیر ایدلنكده اولدیقندن بحث  
وشکایتی متضمن ایدوکی کورلمکله تمیزاً  
براعلامك نقضی اجرای موقتہ مانع اولوب  
اوله میه جفی مسئله سی اولبابده محکمہ تمیزدن  
صادر اولان اعلام محتویاتنه کوره اجرایه مأمور  
اولان رئیس محکمہ طرفندن حل ایدلک اقتضا  
ایده چکی وبوخصوصده ایسه جانب ریاستدن

انجمن عدلیه نك ۱۵۴ نومرولی  
قراری صورتیدر

اطنه ولایتی مدعی صومیلکنندن وارد  
اولوب انجمن عدلیه به حواله بیوریلان اشبو  
تلفرافنامه مطالعه اولندی .

داین طرفندن مدیونك اموال غیر منقوله سی  
تحت جزء نه بیله چکی کبی اولبابده تنظیم و تقدیم



ویا بشقه چه ترتیب اولان مجزانه ايله اموال  
مجازیه وارداتك دخی جزی طلب اولنه بیلله .  
جکی در کار اولوب شو حالده واردات مذ کوره  
جز ایدلش ایسه حکومت عدلیه چه اخذ ایدیلرک  
دعوانك نتیجه سینه قدر محکمه وزنه سنده حفظ  
ایدلک و عکسی تقدیرده حجز تصدیق و اموال  
مجازیه فروخت اولنجه به قدر وارداتنه وضع  
ید و مداخله اولنماقی اقتضا ایده جکی تذکر  
قلندی .

انجمن عدلیه نك ۱۰۷ نومرولی  
قراری صورتیدر

انقره استیناف مدعی عمومیلکنندن مورود  
۶ مارت سنه ۳۱۳ تاریخلو تحریرات باش مدعی  
عمومیلک مأموریت علیه سندن کوستریلان لزومه  
مبنی انجمن عدلیه به حواله بیورملقه مطالعه  
اولندی .

نتیجه مالی حقلرنده حکم اولنان مجازات  
قانونیه نك بعد التشهیر موقع اجرایه وضعی  
محکمه لرحه تحت قراره النان اشخاصك انقره  
حکومت عدلیه سنجه شهرندن صرف نظر اولندی .  
یغندن بخله استیدان معامله دن عبارتدر .

قطعیت کسب ایتش اولان اعلاماتك عیناً  
انفاذی لزومی اساساً در کار ایسه ده احکام  
جزائیه نك اسباب سیاسی و محلیه به مبنی قسماً و یا  
کلیاً اجرا سندن صرف نظر ایده بیلک حکومت  
اجرائیه نك صلاحیتی جمله سندن اولدیفته بناء  
مسئله حکومت اجرائیه نك تقدیرینه تعلق ایدوب  
اولباده معترض بر قاعده تعیین و اراده اولنمه جفی  
تذکر قلندی .

انجمن عدلیه نك ۱۸۴ نومرولی  
قراری صورتیدر

انجمن عدلیه نك ۱۸۴ نومرولی  
قراری صورتیدر

استیناف مدعی عمومیلکنندن تقدیم اولنوب  
انجمن عدلیه به حواله بیوریلان اشبو مذکره  
اوراق متفرعه سبله برابر مطالعه اولندی .

طرق قانونیه دن اصرار و یا قانوناً معین اولان  
مدتلك مرور ایتسبله اکتساب قطعیت ایدن  
اعلاماتك صکره دن ظهور ایدن بعض اسبابدن  
طولانی منفسخ الحکم عد ایدیله بیلک متصور  
اولیوب انجق مواد جزائیه ده اخیراً نمایان اولان  
بر حاله و یا احوال سائیه کوره بر شخصك دوچار  
مجازات ایدلش سنده حکمت قلمدینی تظاهر ایدنجه  
قضیه محکمه حکمتی احراز ایتش اولان اعلامك  
بخش ایدلیکی حقوق مکنت سینه دن حکومت  
اجرائیه به فراغت اولنهرق مجازات محکومه نك  
اجرا سندن صرف نظر اولنمق قواعد اساسیه دن  
بولندیفته مبنی مار الذکر مذکره ده بیان اولنان  
محکوم علیه ك وعد ازداج ايله بگریفی ازاله  
ایدلیکی قیز ايله عقدلری وقوع بولدقده همان تخلیه  
سبیلی اقتضا ایده جکی تذکر قلندی .

انجمن عدلیه نك ۱۸۳ نومرولی قراری  
صورتیدر

بیروت ولایتی استیناف مدعی عمومیلکنندن  
وارد اولوب باش مدعی عمومیلک مأموریت  
علیه سبك بالاده محرر در کناری اوزرینه انجمن  
عدلیه به حواله بیوریلان مربوط ۱۶ تموز سنه  
۳۱۲ تاریخلی و یوز اوتوز سکر نومرولی تحریرات  
ملفوفیه برابر مطالعه اولندی .

مالی غصب اولندی ادعا اولنان بر خانه نك  
مدعی به تسلیمینه دائر ایکی شخص علیه سنده  
صادر اولان بر قطعه اعلام محکومیندن بری  
طرفندن تمیز ایدیلوب دیگری حقه سنده قطعیت  
کسب ایتسبلیکی تقدیرده اولنهرق معامله نك  
استفسارندن عبارتدر . محکوم علیه مادن برینك  
تمیز دعوی استدعا سنده بولنمی دیگری حقه سنده  
بر گونه تأثیری حائر اولماسینه نظراً حکم  
واقع قارشو سکوق اختیار ایتسبله کندوسنه  
عائد جهت حکم قطعیت کسب ایتش اولان محکوم  
علیه حقه سنده محکوم لهك طلبی اوزرینه معامله  
اجرائیه نك تعریفات قانونیه دائره سنده جریان  
واستکمالی لزومی تذکر قلندی .



انجمن عدلیه نك ۱۴۳ نومرولی قراری  
صورتیدر

قدس شریف مدعی عمومی معاونت کنند  
ورود ایدوب امور جزائیة مدبیت بهیه سنك  
افاده سنه مبنی انجمن عدلیه حواله بیوریلان  
اشبو تحریرات مطالعه اولندی .

تبعه دولت علیه دن اولان برقادینك اجنبی  
ایله ازدواجی حالده زوجنك تابعیتی احراز  
ایده جکی تابعیت نظامنامه سی احکامندن اولوب  
انجق جزا دعوالرنده مظنون علیه بر اجنبی دولت  
ومدعی شخص ویا منضرر دیگر بر اجنبی دولت  
تبعه سنندن بولندقلری تقدیرده فصلی دعوانك  
محاکم عثمانیه عائد اوله جنفی اصول مرعیه ایجابندن  
بولندیقسه نظراً مارالد کر تحریرانده بیان  
اولندینی وجهله اوستریا ترجماننك اولیابده درمیان  
ایلدیکی اعتراضك ناممحل اولدینی تذکر قلندی .

انجمن عدلیه نك ۱۴۴ نومرولی قراری  
صورتیدر

سیواس ولایتی استیناف مدعی عمومی ملکندن  
مورود ۴ مارت سنه ۳۱۳ تاریخی اشبو تحریرات  
ملفوفیه برابر امور جزائیة مدبیت بهیه سنك  
افاده سنه مبنی انجمن عدلیه حواله بیورملغه  
مطالعه اولندی .

مستطق ویا هیئت اتهامیه طرفندن منع  
محاکمه سنه قرار ویریلان اشخاصدن خرج  
ویامصارف نامیله سنه طلب واخذینه صلاحیت  
اولدینی کی بونلر حقنده جریان ایدن تحقیقاتدن  
منبع خرج ومصارفك لزوم محاکمه سنه قرار  
ویریلان اشخاصه تحمیلی دخی جائز اولیوب  
شوقدر که ایشده برمدعی شخصی موجود ایسه  
محاکمه سی منع ایدلمش اولان اشخاصه قارشو  
دعواسنده حقسز چیقمش اوله جقندن تکالیف  
واقعنك اکا تضمین ایتدیرلمش لزومی تذکر  
قلندی .

انجمن عدلیه نك ۱۴۷ نومرولی قراری  
صورتیدر

مناسیر استیناف مدعی عمومی ملکندن مورود  
۵ حزیران سنه ۳۱۳ تاریخی اشبو تحریرات انجمن  
عدلیه حواله بیورملغه مطالعه اولندی .

غیر منقولاتك مشترکاً ومشاعاً منصرف  
بولنان اشخاص بینده تقسیم یاکندولرینك  
اتفاقه ویا بر محکمه نك حکمنه متوقف ایدو کمنه  
مبنی کیفیت تقسیم حکماً تعیین اولندینی حالده  
حکم واقمك اجراسی اقتضا ایدو جکی وعکس  
تقدیرده اجرا دائره سنك مداخله سی بروجله  
جائز اولدینی تذکر قلندی .

انجمن عدلیه نك ۱۶۹ نومرولی قراری  
صورتیدر

ایدین ولایتی استیناف مدعی عمومی ملکندن

وارد اولوب انجمن عدلیه حواله بیوریلان  
مربوط ۹ شباط سنه ۳۱۲ تاریخی وطقوز یوز  
التمش سکر نومرولی تحریرات مطالعه اولندی .

خلاصه مالی اعشار ملتزمی عبدالواهب  
افدینك بدل اعشاردن متبانی دینك استیفاسی  
ضمننده زراعندن بولنان كفلا سنك تحت تصرفلرنده کی  
اراضی بالمزایده اصولاً فروخت ایدیله جکی  
صرهده مرقومك واقع اولان اعتراضلری اوزرینه  
اجرا ایدیلان تدقیقات نتیجه سننده كفلا سنك  
قبولنده اعشار نظامنامه سی صراحتیه رغماً  
معیشتلرینه مخصص اراضی تفریق ایدیلهرك  
کافه سی تقدیر ثروتلرینه اساس اعتبار ایدلمش اولدینی  
و كفلا سی مرقومون عهده لرنده بولنان مقدار  
اراضی ایسه انجق معیشتلرینك تأمیننه كفایت  
ایدوب فضل اراضیلری بولندینی اكلاشلمش اولد .  
یغندن عند المزایده قیمتی ایکی بیک التی یوز  
غروشه بالغ اولان مذکور المقدار اراضیلرینك  
صاتلمسی زراع مرقومونك مغدوریتی وعکسی  
صورت دخی حقوق خزیننه نك ضیاعی مستلزم  
اوله جنفی بیانیله استفسار معامله بی متضمندر .

اشبو تحریراتك حاوی اولدینی احوالك



انجمن عدلیه نك ۲۷۱ نومرولی قراری

صورتیدر

اشبو اشارت جلیله نظارتینا هیلری  
اوزرینه کیفیت تکرار مذاکره اولندوقده اصول  
محاکمات جزائیة قانوننک یتیش بشنجی ماده سنک  
عباره سنندن دخی مفهم اولدیفنه کوره دعوت  
واقعه یه اجابت ایتمکله مستنطق حضورینه کلوب  
ایراد اولسان اسئله به جواب ویرمک عینی  
نتیجه یی حاصل ایدوب هرایکی قضیه ده ده شهادتدن  
استنکاف ایدلش اوله جنی کبی قانون مذکورک  
یتیش بشنجی ماده سی موجبجه ارکان شهادتدن  
اولان یمیندن امتناع ایتک دخی شهادت واقعه نك  
اهمیتندن کلیاً سقوطی بادی اوله جفتندن تعریفات  
قانونیه داره سننده ادای شهادتندن کذلک استنکاف  
معنایی تضمن ایده جکنه مبنی بومثلوا احوالندن  
شخص متمرد حقه مار الذ کر یتیش بشنجی  
ماده یه توفیقاً ایفای معامله اولنمق لزومی تذکر  
قلندی .

تظاهر ایتسی اوزرینه قانوناً ایفای ایجاب ایدن  
معامله تعیین ایده بیلیمک ایچون تفریق ماده  
اولنمق لابد اولوب شویله که اگر کفلاهی  
مرقومون کفالتلری قبول ایتدیرمک واقعدار -  
لری اثبات ایتک مقصدیله بالاخیار عهده  
تصرفلرنده بولنان اراضی یی حکومت اراثه ایتیشلر  
ایسه بوبرنوع رهن دیمک اوله جفتندن اعلامات  
حقوقیه نك صورت اجراسنه دائر اولان قانونک  
الی التنبی ماده سننه کوره مذکور اراضینک  
فروختیله اتمانندن مطلوبات خزیننه نك تسویه سنجه  
تردده محل اولدینی وعکسی صورتده یعنی  
مرقومونک کفالتلری مقبول اولوب اولدینی  
مسئله سی حل امرنده حکومت سنجه طوغریدن  
طوغری به تحقیق اموال و تروتلری یولنه کیدلش  
ایسه معیشتلرینه کفایت ایده جک مقدار اراضینک  
ضبط و فروختنه صلاحیت بولمیدینی تذکر  
قلندی .

انجمن عدلیه نك ۱۸۲ نومرولی قراری

صورتیدر

ایدین ولایتی استیناف مدعی عمومیلکنندن  
وارد اولوب امور جزائیة مدیریت بهیه سنک  
اقامه سی اوزرینه انجمن عدلیه حواله بیوریلان  
اشبو تخریرات ملفوفاتیله برابر مطالعه اولندی .  
حقوق دول قواعدی اقتضاسنجه اجنبی سفن  
حریمه سی خارج از مملکت امتیازینه مالک اولد -  
قلرنندن بونلرک افرادی طرفندن ارتکاب ایدیلان  
جرم ولو قره ده ایقاع ایدلش اولسون محاکم  
عملیه به اجرای تعقیباتی موجب اولیوب افراد  
مرقومه نك مستحق اولدقلری مجازات قانونیه نك  
منسوب اولدقلری دولت حکومت عدلیه سنجه  
ترتیبی لازم کله جکی فقط حکومت محلیه نك  
اشای وقوعانده منع جرم امرنده هر نوع تدابیری  
اتخاذله اسایش مملکتی بوسورتله اخلال ایدنلری  
دردست ایدرک ضابطلرینه تسلیمه وطرق  
دیپلوماتیکه مراجعتله فاعلک ویا فاعلرک دوچار  
مجازات ایدلرینی طلب وادعایه حائز صلاحیت  
بولمیدینی تذکر قلندی .

انجمن عدلیه نك ۱۶۵ نومرولی قراری

صورتیدر

روم بطریقخانه سنندن تقدیم اولوب مذاهب  
مدیریت علیه سنک کوستردیکی لزوم اوزرینه  
انجمن عدلیه حواله بیوریلان ۱۴ حزیران  
سنه ۳۱۳ تاریخلرله مورخ و ۱۱۵ و ۱۱۶  
نومرولرله مرقم ایکی قطعه تقریر عینی مسئله یه  
تعلق ایتکدن ناشی برلشدیریلرک مطالعه اولندی .

نتیجه ماللری اقیمه وسواس قادیلرک  
جهاز بدلندن طولانی زوجلری ذمتنده منسوب  
اولدقلری متره بولید خانه به تحقیق ایدن الاجلر -  
ینک امتیازلی عد ایدیلرک دیگر اصحاب مطلوبه  
تقدیماً تخصیصی حقنجه ایجاب ایدنلره اوامر  
مقتضیه نك اعطا بیورلمی استدعاسنندن عبارتدره  
حق رجحان و امتیازک وجودی صراحت  
قانونیه مستند بولنمق قواعد اساسیه قانونیه دن  
اولوب جهازدن منبعث مطلوباتک ایسه امتیازلی  
عد اولنلرک مدیونک دیگر دینلرینه تقدیماً  
استحصالی لزومه دائر نه احکام قانونیه ده ونه ده  
بطریقخانه نظامنامه سننده بر کونه قید و صراحت



تصادف اوله مدیقندن مذکور تقریرلرک  
محتوی بولندقلری استدعایک ترویج واسعافی ممکن  
اوله میه جفی تذکر قلندی .

انجمن عدلیه نک ۱۸۲ نومرولی قراری  
صورتیدر

اشبو اشارت علیه جناب نظارت پناهیلری اوزرینه  
کیفیت یکیدن تدقیق وتبع اولندی کرجه اعلام  
واجرا خرجلری کبی رسومک اخذی مراجعت  
وقوعنه تعلیق اولتمق قواعد عمومیه دن ایسه ده  
اعلامات حقوقیه نک صورت اجراسنه داتراولان  
قانونک یکرمی یدنجی ماده سنده ( اجرا اثناسنده  
داین ایله مدیون صلح اولدقلری حاله صلح  
تاریخنه قدر وقوعبولان خرج ومصارف اجرا  
دائره سنندن اخذ اولتور ) دیو محرر اولمسنه  
کوره داین حامل اولدینی اعلامی اجرا ایتدیرمک  
اوزره اجرا دائره سنه مراجعت ایتد کدن صکره

مدیون ایله بینلرنده صلح عقد اولتمش اولمی  
کندوسنک خرج ومصارف واقعه دن مصون  
عد ایدلمسی باعث اوله میه جفی اشکار وشو حاله  
بمدالصلح اجرا دائره سنده اثبات وجود و بیان  
حال ایدرک ایجاب ایدن خرج ومصارفی تسویه  
مجبوری بی بدیدار اولغله داین بالاخیار شووظیفه  
قانونیه نی ایفا ایله اجرا دائره سنجه تاریخ صلحه  
قدر سبق ایدن معامله نسبتنده تعیین اولنه جق  
مقدار خرج ومصارفی تأدیه ایتیز ایسه اموالنک  
جز وفروختی کبی معامله اجباریه اجرایی  
اقتضا ایده جکی تذکر قلندی .

انجمن عدلیه نک ۱۷۸ نومرولی قراری  
صورتیدر

امور حقوقیه مدیریت بهیه سنندن قلمه آلتوب  
انجمن عدلیه حواله بیوریلان تحریرات علیه  
مسوده سی مطالعه اولنه رق تحریر تر کدن مقصد

شخص متوفانک تحقق ایدن دیوناتی تسویه  
وفضله ظهور ایدر ایسه بین الورنه حصه ارثیه لری  
نسبتنده تقسیم ایتمکدن عبارت اولدینی جهته  
تاجر مفلسک موجوداتی مثللو داخل ترکه اولان  
نقود واموال اوزرینه جز وضی جائر اولیوب  
اصحاب مطلوبک الاجقارینی استحصال ضمننده  
ترکه بی تحریر ایدن محکمه به مراجعت ایتلری  
لزومی تذکر قلندی .

اعلام مذکورک خلاصه مالی مرقوم ابراهیم  
اغانک مزبور قسطی افندی کفالتیه دیون عتیقه دن  
اوله رق قونیه زراعت باقعه سنه دینی ایدوکی  
اولبابده سند اقراریه تحقق ایدن بیک فروش  
اوزرینه جدید مراجحه نظامنامه سی موجب ججه تاریخ  
مداینه دن اعتباراً برمثلی گذشته ضمیمه مداینات  
قرار نامه سنه توقیفاً لیرا یوز اوتوز غروشدن  
بالغ اولدینی بیک یوز اوتوز طقوز غروش لیرا  
اچهدن طرفینک تحت تصدیقنده بولنان بیک التمش  
سکر غروش لیرا اچه تسایماک تزیلیله متباقی  
درت یوز یتمش برغروشک مرقوم ابراهیم افادن  
وعدم اقتداری حاله کفیلی مزبور قسطی  
اقتیدن تحصیلنه حکمدن ومستدعی تمیز باقعه

### قسم غیر رسمی

قونیه بدایت محکمه سنندن ۱۵ ایلول سنه  
۳۰۸ تاریخی یتمش اوچ عددی ایله ویریلان  
اعلامک تمیزی زراعت باقعه سنک قونیه شعبه سی  
وکیلی پتراکی افندی جانبندن باهر فحال استدا



و کيلنك اشبو قرار عليهنده خلاصه اعتراضاتي دين واقع جديد مراجعه نظامنامه سنك نشرندن اقدم عقد اولديني و بر نظامنامه نك ماقبله شمولي اوله يه جني در كار بولنديني حاليه نظامنامه مذ كوره توفيقاً فائض حساب اولمسي و بو كي ديونانك گذشته لري قاج غروشه بالغ اولور ايسه تماماً تحصيلي اولبايده كي اوامر عليه ايجابابندن ايكن محكمه جه بوراسنه دخی دقت اولميه رق بر منوال محرر قرار و بر لمسي مخالف قانون اولد- يغندن بختله اعلامك تقضي استدعاسندن و مدعي عليهمانك لايحه لرنده مندرج نتیجه اجوبه سي اعتراضات واقعه نك تقضي غير موجب ايدوكي بيانيه موافق قانون اولان اعلامك تصديقي طلبندن و معاون مومي اليهك مطالعه سي دخی دعواي واقعه منافع عامه به متعلق اولديني حاليه انشاي محاكمه مدعي عمومي حاضر بولنديرلماش و دين واقع مراجعه نظامنامه جديدندن مقدم اوله رق نظامنامه مذ كورك تاريخ نشرينه قدر فائض يوريدملك و اندن صكره كي مدت ايجون بر مثلي ضم اولمق لازم كلور ايكن اشبو نقطه قانونيه به رعايت اولنماش اولديفته مبني اعتراضات واقعه نك موافق قانون اولديني بيانندن عبارت بولمشد.

ايجابي مذا كره اولدوقده اعلام مذ كور مندرجانبندن مستبان اولديني اوزره مرقوم ابراهيم اغانك زراعت بانقه سنه ديني ايدوكي تبين ايدن مبالغ معلومه نك ديون عتيقه دن اولمسي حصيله بر مثلي فائض ضميمه ليرا يوز اوتوز غروشدن بالغ اولديني ايجون تسليمات واقعه سنك بالتزويل متبقي در تيوز يتش بر غروشه ليرا اوله رق مديون مرقومدن و عدم اقتداري تبين ايلديكي تقديرده كفيلي قسطل افنديدن تحصيلنه حكم اولمش ايسه ده مدعا به الاجفك ديون عتيقه دن و جديد مراجعه نظامنامه سنك تاريخ نشرندن مقدم استتراض ايدلمش و نظامنامه مزبورك ماقبله شمولي اوله يه جني طيبي بولمش اولديني جهتيه نظامنامه مذ كورك تاريخ نشرينه قدر عتيق مراجعه نظامنامه سي موجبجه حساب ايديله جك فائضك هر قاج غروشه بالغ اولور ايسه اولسون و نظامنامه جديدك تاريخ نشرندن صكره كذران ايدن ايام ايجون دخی مذ كور نظامنامه موجبجه بالحساب تحت حكمه النسي لازم كلور ايكن محكمه مذ كوره جه بوراسنه دقت اولميه رق مبلغ مدعا به ايجون مراجعه نظامنامه جديدينه توفيقاً تاريخ مديونه دن اعتباراً بر مثلي فائض يوريدلمسي

قانونه مفاير و مستدعي تميز و كيلنك اعتراضيله معاون مومي اليهك مطالعه سي دخی بوجهته متدائر اوله رق موافق نفس الامر كورلديكنه بناء اصول محاكمه حقوقيه قانون موقتك ايكوز اوتوز ايكنجي ماده سي موجبجه اعلام مذ كورك تقضيله قانون مزبورك ايكوز قرق در دنجي ماده سي موجبجه كيفيتك يكدن بالرؤيه اعلامه ربطي ضمنتده محكمه مذ كوره به اعاده سنه و زيرده مفرداتي مرقم درت يوز التمش اوچ بچق غروشه مصارف محاكمه نك ايلورده حقسنر چيه جق طرفه عائد اولمق اوزره اول امرده زراعت بانقه سندن النسيه ۴ حزيران سنه ۳۰۸ تاريخنده ا كثریت آرا ايله قرار و يريله رك تفهيم قلندي .

قوله حمای جوارنده ساکن ارزاق متمهدلرندن حسين اغا و كيلي سليم حسني افندي يوم معينده دائره به گلش ايسه ده مدعي عليه قنوارينه قصبه سندن صاري ياسقو محله سنده مقيم قوجوتل كلديكي كي جواب لايحه سي دخی كوندرلماش اولديغندن يالكز و كيل مومي اليهك ايضا حات شفاهيه سي استماع قلندوقدن صكره تدقيقات تميزيه اجراسنه ابشار اولندي .

اعلام مذ كورك خلاصه مآلي مزبور حسين اغانك متمهددي اولديني الننجي فرقه عسكريه نك دومنك موقی ارزاقندن وجهت كفالتندن طولاني مرقوم قوجوتل ذمتده الاجني اولان اوتوز التي بيك بشيوز قرق غروشه تحصيلنه دائر قنوارينه تجارت محكمه سندن استحصال ايلديكي اعلام حكمه مرقوم قوجو عدم قناعتله استيناف محكمه سنه بالمراجعه اقامه ايلديكي استيناف دعوا سي نتیجه سنده اعلام مستأنف بهك اسباب قانونيه به مبني فسخنه دائر عن الغياب صادر اولان اعلام عليهنده مزبور حسين اغا جانبندن اعتراض على الحكم استدعاسي اعطا و بر قطعه اعلام ابراز و اراده اولمسي اوزرينه و جاهاً جريان ايدن محاكمات و تدقيقات نتیجه سنده سالف الذ كر

مناسرت تجارت محكمه سندن ۳۱ كانون اول سنه ۳۰۸ تاريخي و يوز الي عددی ايله استينافاً صادر اولان اعلامك تميزيني استدعا ايدن سلاتيك



غیاثینک تصدیقہ قرار ویرلش ایسده دعوی  
واقعه حقننده طرفینک ادعا و مدافعه سی نهدن  
عبارت بولندینی اعلامده تصریح ایدلک و مستند  
ادعا بولنان سندات ایله انک اوزرینه جریان ایدن  
محاکات حقننده ویریلان اعلاملر عیناً و یا  
خلاصه درج اولنق احکام قانونیه اقتضاسندن  
اولدینی حالده بورالرینه دقت اولنماسی و اعلامک  
دخی برمال صحیحی حاوی اولیوب معلق و مشوش

مابعدی وار

## اعلان

حسن اغلک درسمعات بدایت محکمه سی  
برنجی حقوق دائره سندن استحصال ایلدیکی اعلام

اعتراض علی الحکم صرفحالی اعلام غیاثی بی دفع  
وجرح ایدر علل و اسبابی محتوی اولدیغندن  
صرفحال مذکورک ردیله اعلام غیاثینک تصدیقہ  
حکمدن و مستدعی تمیز و کیلی سلیم حسنی  
افدینک اشبو حکم علیهنده کی اعتراضاتنک  
خلاصه سی اعتراض علی الحکم استدعای اسباب  
قانونیه بی جامع اولدینی کی کفالت واقعه نک دخی  
صورت مطلقه ده بولندینی اولبابده کی مقاوله  
سندی مندرجاتیله ثابت ایکن استیناف محکمه سنجه  
بورالرینک نظر اعتسایه المقسزین حکم اولنسی  
یولسز و مغایر قانون اولدیغندن بحکله اعلامک  
نقضی استدعاسندن عبارت بولمشدر .

ایجابی مذاکره اولندقدده اعلام مذکور  
مطالعه سندن منضم اولدینی اوزره مزبور حسین  
اغلک مرقوم قوجو ذمتنده جهت کفالتندن  
الاجفی اولان اوتوز اتی بیک کسور غروشک  
تحصیلنه دائر قنوارینه تجارت محکمه سندن استحصال  
ایلدیکی اعلامک عندالاستیناف اسباب قانونیه بی  
مبنی فسخنه دائر عن الغیاب ویریلان قرار علیهنده  
مزبور حسین افا جانبندن اعطا قلنان اعتراض  
علی الحکم استدعای علل و اسباب قانونیه بی جامع  
اولدینی بیانیله صرفحال مذکورک ردیله اعلام

موجبجه رسومات محافظه مأمورلرندن محمد  
خیری افندی ذمتنده محکوم به الاجفی اولان  
معلوم المقدار مبالغک تأمین استیفاسی ایچون  
مدیون مومی الیهک متصرف اولدینی اوچنجی  
دائرة بلدیہ داخلنده خالیجیلرده ملا علی الغازی  
محلہ سنده مناره زقاعنده واقع تخمیناً طقسان  
ارشون عرصه اوزرینه مبنی ایکی اوطه و برقیو  
و مشتملات سائرہ بی حاوی اون سکر نومرولو  
خانه نک تمامی التمش بر کون اجرا قلنان مزایدہ  
علنیہ نتیجه سنده لیرای عثمانی یوز غروش حسابیله  
بیک التیوز غروشدہ طالبی عهده سنده تقرر  
ایتمش و مدتک انقضاسنه مبنی موقتاً قرار داده سی  
کشیده قلنمش اولمقله بوندن زیادیه یعنی یوزده  
بش ضمیله طالب اولنلرک اوتوز بر کونه قدر  
دائرة بیہ مراجعت ایتملری درسمعات اعلامات  
نظامیه اجرا دائره سندن صوک دفعه اوله رق  
اعلان اولنور .

۲۴ تشرین ثانی سنه ۱۳۱۳

عدد

- ۹ صابون قالی
- ۱ بوغچه دروننده بیاض یصدیق یوزلری
- ۱ و بیاض چارشب
- ۱ اوافق بوغچه دروننده سیاه بونجق تفتنه
- ۱ یتاق چارشبی کناری خرجلی
- ۴ بصمه پنجره پرده سی
- ۱ بیکلی بیاض قاریوله اورتوسی
- ۱ یموق بیاض چارشب
- ۱ قاریوله کنارلی
- ۱ تیره اورمه سی صندوق اورتوسی
- ۱ بوغچه دروننده کتن جوراب
- ۱ ارقه خولیسيله بر کناری تفتنه لی بیاض اورتو
- ۱ بوغچه دروننده بیاض چاشوی دون
- ۱ وکوملک وسائرہ
- ۱ پاتیسقه چارشب
- ۱ مستعمل غرون اتکلک
- ۱ مع چاکت یونلی فستان
- ۱ کناری کورکلی شیاق مانطو
- ۱ مستعمل ایپکلی چاکت
- ۱ قنوه ایشلمه لی مدور سجاده
- ۱ مستعمل چاکت



۱ چوقه قابلی بیاض چیلقوا کورک

۱ اطرافی تحتہ چالار ساعت

۶ پارچه بموق ایشلمه لی چوقه دیوار اورتولری

۱ کناری کورکلی زنه اورنوسی

۱ یشیل پولاط تبسی

۱ بموق شیلته

۱ یوک دوشک مع چارشب

۱ اوافق شیلته

۲ بموق بصمه یوزلی وبری مارینوس

یوزلی یورغان

۲ بموق یصدیق

۲ دیگر بموق اوزری قنوه ایشلمه لی یصدیق

۵ قبه تخمیناً شکر

۲ باقر تنجره مع قباق

۱ باقر طاتلی تنجره سی

۱ باقر قره وانه

۱ اوافق باقر لنگر

۲ مع قباق بورسلن تنجره

بقال چیچک اوغلی واسیلک فنارده ساکن

صوفی قادین ذمتنده الاجنی اولان مبالغه معلومه نك

تأمین استیفاسی چون مدیون مرقومه نك مقدما

استیناف محکمه قرار یله تحت مجزه النمش و بو کره

فروختی دخی قرار لشدیرلمش اولدیغندن بروجه

بالا ذکر اولنان اشیارل تاریخ اعلاندن اعتباراً

اوچگون صکره یعنی کانون اولک سکرنجی بازار

ایرتسی کونی سلطان محمدده مالطه چارشو سنده بلنرایده

فروخت اولنه جفتدن طالب اوللورک یوم مذکورده

حاضر بولغولری درسمه ادا اعلانات نظامیه

اجرا دارم سندن اعلان اولنور .

۳ کانون اول سنه ۱۳۱۳

۳ کانون اول سنه ۱۳۱۳

۳ کانون اول سنه ۱۳۱۳

۳ کانون اول سنه ۱۳۱۳

۳ کانون اول سنه ۱۳۱۳

۳ کانون اول سنه ۱۳۱۳

۳ کانون اول سنه ۱۳۱۳

۳ کانون اول سنه ۱۳۱۳

۳ کانون اول سنه ۱۳۱۳